

Capitulu 6

Induve Tistù piglia una lezziò
di giardinu, è scopre, di colpu,
ch'ellu hà i ditoni verdi

Tistù messe u so cappellu di paglia per andà
à piglià a so lezziò di giardinu.

U Sgiò Babbu avia decisu ch'ella era logica
di cummencià cusì a sperienza di u sistema
novu d'educazione. Una lezziò di giardinu era,
di fatti, una lezziò di terra, a terra nantu à a
quale viaghjemu, a terra chì prудuce i legumi
chè no manghjemu, l'erbe per nutrisce l'ani-
mali finch'elli sianu abbastanza grassi per esse
manghjati...

– A terra avia dettu u Sgiò Babbu hè l'origine
di tuttu.

« Basta ch'ellu ùn mi ripigli u sonnu ! » si
dicia Tistù andendu à a lezziò.

Indù a serra, Mustaccione u giardinu, in-
furmata da u Sgiò Babbu, aspettava u so scu-
laru.

U giardinaru era un anzianettu, sulignu, pocu parlacione è micca sempre curtese. Una furesta strasurdinaria, culor di neve li criscia sottu à i nari.

A mustaccia di Mustaccione ? Cumu possu fà per descrivela ? Una vera meraviglia di a natura. I ghjorni di zilifrina* quandu u giardinaru si n'andava, a pala nantu à a spalla, era un vede ; parianu duie fiare bianche chè li surtianu da u nasu è li battianu l'arechje.

A Tistù li piaccia bè u vechju giardinaru, ma ne avia ancu à pena a paura.

– Bonghjornu Signore Mustaccione, disse Tistù scappellendosi

– A ! eccuti ! rispose u giardinaru. Ebbè, avemu da vede di ciò chè tù si capace ! Eccu una massa di terricciu è qualchè vasetti à fiori. Ai da empie i vasetti incù u terricciu, inficcà u to ditone à mezu per fà un tufone è accansà i vasetti in ligna longu à u muru. Dopu metteremu indù i tufoni e grane chè cunvenenu.

E serre di u Sgiò Babbu eranu magnifiche è degne di tuttu u restu di a casa. Sottu à l'agrottu

* bise

di i vetri spampillulenti si tenia, per via d'una grossa scaldaria un ambiu umidu è caldu. I mimosà ci furianu in pienu inguernu, criscianu e palme venute d'Africa, omu ci cultivava cigli* per a so bellezza, e tuberose** è i ghjesumini*** per u so profumo è ancu l'urchidee, chè ùn sò mancu belle è ùn muscanu micca, per una qualità bella vana à un fiore, è chè si chjama a scarsità.

Mustaccione era u solu maestru in sta parte di u duminiu. Quandu a Signora Mamma faccia visità è serre à e so amiche di a dumenica, u giardinu vestutu d'un scurzale novu si mettia à a porta, curtese è mutu cum'è una zappa.

À a minima prova**** d'una d'isse signore di tuccà à i fiori o solu di respirà ne u profumu, Mustaccione trasaltava è dicia à a scrianzata :

– Ma chè ! e mi vulete tumbà, strangulà mi le, affucà mi le ?

Fendu a faccenda chè Mustaccione l'avia datu, Tistù ebbi una bella sorpresa : issu trava-

* lis

** tubéreuses

*** jasmins

**** tentative

gliu ùn l'addurmintava micca. À l'incuntrariu, ci pigliava piacè. Truvava chì u terriciu sentia bonu. Un vasettu viotu, una palittata, un tufone cù u ditone, è l'affare era fattu. Tuccava à u prussimu. I vasetti s'allignavanu longu à u muru.

Indù issu mentre chì Tistù cuntinuava incù primura, Mustaccione facia pianu pianu u giru di u giardinu. E Tistù scuprì quellu ghjornu perchè chì u giardinu parlava cusì pocu à a ghjente ; ghjè chì parlava à i fiori.

Capite bè chì fà un cumplimentu à ogni rosula d'un massiciu, à ogni carofanu*, lascia poca voce a sera per lampà i « bona notte Signore » o « bon appetitu, Signora » o dinù « à a salute ! » quandu omu starnuta davanti à voi, tutte isse cose chì ci facenu di di qualchissia « cum'ellu hè ben allevatu ! ».

Mustaccione passava d'un fiore à l'altu, penserosu di a salute di tutte.

– Allora, a rosula-tè**, sempre zitellona, ghjuchemu à tene i bottuli in riserva per falli schiat-

* oeillet

** rose-thé

tà quandu nimuci s'aspetta ? È tù villuchju*,
ti credi u rè di a muntagna à vulè scappà ver
di a cima di i mo casseri vitrati** ! Eccu què e
manere !

Po si girò ver di Tistù è li lampò da luntanu :

– Allora hè per oghje, o per dumane ?

– Ùn spazientate, o sgiò prufessore, mi fer-
manu trè vasetti à riempie, rispose Tistù.

Si spiccìo di compie è si n'andò à ritruvà à
Mustaccione da l'altru latu in fondu àu giar-
dinu.

– Eccu, aghju finitu.

– Va bè, andemu à vede, fece u giardinaru.
Vultonu pianu, chì Mustaccione ne prufittava
quì per felicità una grossa pigònia*** di a so bel-
la andatura, quallà per incuragì un ortensià à
diventà turchinu... D'un colpu si ne firmonu,
maravigliati, cummossi, stunati.

– Mì mì mì ùn sunnieghju micca, disse Mus-
taccione strufinendusi l'ochji, vedi cum'e mè ?

– Iè, o sgiò Mustaccione.

* volubilis

** chassis vitrés

*** pivoine

Longu à i muri, quì, à qualchì passu, tutti i vasetti empiuti da Tistù eranu fiuriti, in cinque minuti !

Sentimuci bè, ùn era una fiuritura timica, di qualchì cacciu strampalatu è sbiancatu. Innò ! in ogni vasettu si spannavanu bellissimi begonià è tutti allignati facianu una mansa zeppa è rossa.

– Un hè pussibile disse u sgiò Mustaccione, ci vole o mancu dui mesi per fà begonià cusì.

Un miraculu, hè un miraculu, prima si cuscata, dopu pruvemu à spiecà lu.

Tistù dumandò :

– Ma postu chì omu ùn avia messu grane, o sgiò Mustaccione, da duve venenu issi fiori ?

– Misteru, misteru... rispose Mustaccione. Po subito, pigliò indù e so mani fruste, e manucie di Tistù dicendu :

– Fà mi vede i to ditoni !

Guardava incù primura e dite di u so scularu, da sopra, da sottu, à l'umbria, à u lume.

– Dopu àvè riflettutu una stonda, disse o ciù, t'accade un affare tantu stunente chè strasurdinariu. Ai i ditoni verdi.

– Verdi ? mughjò Tistù bellu stunatu, eiu i vecu rosuli, è ancu piuttosto brutti per avà. Ma verdi ùn sò !

– Sicura, sicura ùn la poi vede ripigliò Mus-taccione. Un ditone verde hè invisibile. Quessa si passa sottu à a pelle. Hè ciò chì omu chjama un talentu piattu. Solu un spezialistu u pò scopre. Orbene, sò un spezialistu è à ti possu assicurà, ai i ditoni verdi.

– A chì ghjova ? d'avè i ditoni verdi ?

– A ! hè una qualità meravigliosa rispose u giardinaru, un rigalu da u celu ! Vedi, grane ci n'hè in ogni locu. Micca solu indù a terra, ma ci n'hè nantu à u tettu di e case, nantu à l'orlu di e finestre, nantu à e tighjate, nantu à i palancati, nantu à i muri. Millaie è milliarde di grane chì ùn ghjovanu à nunda. Sò quì aspettendu chì una ventata venga à catapughjale ver di un campu o un giardinu. À spessu, si ne morenu, chjose trà duie petre, senza avè pussutu trasformà si in fiori. Ma, sè un ditone verde si pone à nantu à una di ste grane, è induve ch'ella sia, u fiore cresce subitu. Di u restu ne ai a prova davanti à tè. I to ditoni anu scupertu indù a

terra grane di begonià, è vedi u risultatu. Mi poi crede, t'invidiu, mi saria stata bella utule, indè u mo mistieru d'avè i ditoni verdi.

Tistù ùn parse tantu incantatu da a nutizia.

– Diceranu una altra volta, chè ùn sò micca cum'è tuttu u mondu.

– U megliu, rispose Mustaccione hè d'un parlà ne à nisunu. Perchè sveglià a curiosità è a ghjelusia ? L'ingegni, i talenti piatti ci facenu sempre risicà d'avè castichi. Ai i ditoni verdi, hè bella chè intesa. Ebbè ! tenila per tè, è ch'ella fermi un secretu trà di noi.

Nantu à u librettu d'annutazioni, datu da u Sgiò Babbu è chì Tistù duvia fà zifrà à a fine d'ogni lezziò, u giardinaru Mustaccione scrisse semplicemente :

Stu zitellu presenta belle dispusizioni per giardinà.